




Broj:
Sarajevo 15.januar 2020

Grad Sarajevo
Gradska Uprava
Dogradonačelnik, Milan Trivić



Komisija za Izbor i menovanje Gradskog vijeća Grada Sarajeva

Sarajevo, 15. 01. 2020. Godine

**Predmet: Prijedlog za dodjelu priznanja Grada Sarajeva u 2020. godini,
„Plakete Grada Sarajeva“ Branislavi Rakonjac**

Branislava Rakonjac je pionir kvantne medicine u Sarajevu i Bosni i Hercegovine. Prva se u našoj državi počela baviti informoterapijom. Osnivač je i direktor Centra Tradicionalne i Alternativne medicine u našem gradu, te izdavač časopisa i autor knjiga koje popularišu brigu o zdravlju. Inicijator je i organizator stručnih kongresa koji u naš grad dovode eminentne domaće i strane stručnjake u ovoj oblasti, čime se Sarajevo promovira, ne samo kao bosanskohercegovački, već i regionalni centar. Kvantna medicina je novi pravac holističke medicine koja se razvija u 21. vijeku, a koji integriše znanja i iskustva kvantne fizike, zapadne i istočne medicine kao i bioelektronike.

Branislava Rakonjac rođena je u Sarajevu. Majka je četvero djece od kojih se troje uspješno bave tradicionalnom medicinom. Osnovala je Udruženje za informoterapeute i fitoterapeuta na nivou države BiH sa sjedištem u Sarajevu. U Udruženju funkcionišu Statut, Skupština i Odbor sa propisanim oblicima djelovanja i aktivnosti Centra.

Direktorica Rakonjac je do sada uspješno organizovala šest Kongresa iz oblasti kvantne i klasične medicine. Dobitnica je velikog broja nagada za vlastite medikamentozne proizvode i uspješno liječenje pacijenata. Ujedno je i osnivač časopisa „Korak po korak do zdravlja“. Autor je tri knjige („Produžite svoj život i ostanite zdravi i mladi uz bilje“, I i II dio knjige – „Moja iskustva u informoterapiji“).

U dosadašnjem radnom opusu pružanja zdravstvene zaštite i liječenja pacijenata, kao i izradi biljnih preparata za zaštitu zdravlja i liječenje građana Grada Sarajeva, BiH i šire, postigla je izuzetne rezultate. Prva je u Bosni i Hercegovini koja se počela baviti informoterapijom i spojila klasičnu i alternativnu medicinu, te sa značajnim brojem

sarajevskih ljekara postigla izuzetne rezultate u zaštiti zdravlja i liječenju građana Grada Sarajeva, BiH i inostranstva.

U svom Centru je pružila zdravstvenu zaštitu i omogućila liječenje velikog broja pacijenata iz Grada Sarajeva, širom BiH, kao i značajnog broja pacijenata iz inostranstva. Svojim metodama i medikamentima je prepoznatljiva i jedna od najznačajnijih u Gradu Sarajevu, BiH i širem regionu.

Branislava Rakonjac je član instituta „Intera“ u Kievu i njihov redovni predavač. Na poziv šejka Taleb bin Saqr Al – Qassimi promovirala je svoje znanje, liječenje i biljne preparate u Arapskim Emiratima.

Broj uspješno izliječenih pacijenata nije jedino što ovu doktoricu izdvaja od drugih nego i njeno nesebično pomaganje i humani rad. Sva djeca koja su njeni pacijenti liječe se bez novčane naknade. O svemu ovome svjedoče mnogobrojne televizijske emisije i novinski naslovi, nagrade i druga priznanja, koji su dostavljeni u prilogu akta. Petogodišnji je uzastopni dobitnik nagrade „Humano srce“. U cilju zahvalnosti za konstantan angažman i humano postupanje prema oboljeloj djeci, Dom Pazarić joj je uručio nagradu za nesebičnu podršku koju im pruža. Nevjerovatna istrajnost i nesebična humanost da pomogne putem centra različitim vidovima donacija svim populacijama ugroženih i unesrećenih ljudi, čini je posebnom i istaknutom građankom Grada Sarajeva.

Iz svega navedenog, čast mi je i zadovoljstvo predložiti doktoricu tradicionalne medicine Branislavu Rakonjac za dodjelu i priznanje Grada Sarajeva u 2020. godini, „ Plaketa Grada Sarajeva“.

Sarajevo, 15. 01. 2020. Godine

Dogradonačelnik

Milan Trivić